

— 526 —

sehent oder hörent lesen. Umb die suone vnd rihunge so Graf Egen von Friburg, mit den burgern vnd der stat von Friburg, vnd mit iren eitgenossen, vnd mit den iren genomen het, dez selben kriegeß wir warent, es were von Graf Egen, oder von vnser selbes wegen, in dieselbe suone vnd rihunge wir auch genomen vnd begriffen sint, da vergehent ouch wir die obgenanten herren, rittere vnd knechte, daz dieselbe suone vnd rihunge mit vnserer aller gunst, wissende vnd willen beschehen ist, vnd globent si ouch bi den eiden so wir darymb gesworn hant, war vnd stete ze habende flehtlich vnd vnguarlich mit den stucken vnd artikeln, die hie nach an disem brief geschriben stant. Des ersten ist beret, daz die von Friburg alle vnserer vnd vnser ieglichß lüte, die vswendig ihren stetten geseßen sint vnd ir burgere sint, von dez selben irß burgrehtes wegen, lidig sollent lassen, vnd sollent vnß ouch, noch deheinem vnder vnß noch vnsern erben, deheinen der vnsern hinnanthin niemer ze burger empfehen, es beschehe denne mit dez willen vnder vnß, dez er denne ist. Welte aber ieman der vnsern der icz ir burger ist inwendig zwein manaden den nachsten zuo inen gein Friburg, gein Brisach oder gein Nüwenburg, in der stette eine ziehen vnd da inne sesshaft bliuen unguarlichen, der mag bi sine burgreht bliuen, vnd sollent wir die obgenanten herren, rittere vnd knecht im dez gönnen, vnd sollent in dez weder an sine libe noch an sine guote nit sumen noch irren. Were ouch daz ieman suß der vnsern oder deheins vnder vnß, oder vnserer erben lüte, ez were nu oder hie nach gein Friburg, gein Brisach oder gein Nüwenburg, in der stette einen ziehen wolte, vnd da sesshaft bliuen ane vnser eigen lüte, dem sollent wir noch vnser erben noch deheiner vnder vnß, es ouch nit weren, noch sollent in des weder an sine libe noch an sine guote nit sumen noch irren. Welte ouch ieman von Friburg, von Brisach, oder von Nüwenburg her vß vnder deheinen vnder vnß, der vrogenanten herren, rittere oder knechte, oder vnser erben ziehen, dem sollent si sin